

18* 222. *Scurtinio di Proveditor zeneral
in Dalmatia.*

Sier Etor Loredan el proveditor sora il cotimo di Londra, qu. sier Nicolò, qu. sier Alvise el pro- curator	109.110
Sier Zacaria Bembo fo proveditor et capitanio a Bassan, qu. sier Fran- cesco	41.181
Sier Marco Contarini fo proveditor a Peschiera, qu. sier Tadio qu. sier Andrea el procurator	91.121
Sier Polo Contarini fo proveditor di stratioti, qu. sier Francesco	66.144
Sier Francesco Celsi fo conte et ca- pitano a Spalato, qu. sier Stefano	
Sier Andrea Gritti fo proveditor a Bergamo, qu. sier Francesco	114. 94
† Sier Nicolò Trivixan fo capitanio di le galie di Baruto, qu. sier Piero	160. 56
Sier Alvise Bembo fo proveditor di stratioti, qu. sier Polo	89.131
Sier Marin Michiel fo castelan a Me- stre, qu. sier Alvise	47.170
Sier Francesco Contarini fo provedi- tor di Axola, qu. sier Anzolo, qu. sier Mafio	78.123
Sier Beneto Marin fo proveditor in campo, qu. sier Marco	86.131
Sier Zacaria Barbaro fo proveditor in campo, qu. sier Daniel, qu. sier Zacaria cavalier procurator	103.119
non Sier Lodovico Michiel fo proveditor in campo, qu. sier Piero, va pro- veditor a Civald.	

Fu posto, per sier Bortolomio da Canal savio ai ordini, sier Alvise di Prioli procurator proveditor all' Arsenal, sier Simon Lion patron all' Arsenal, ritrovandosi in la caxa di l' Arsenal assà canevi i qual al presente val ben, però sia preso di venderli con li do terzi di le balote del Collegio, et li danari siano tenuti intacti per il Patron non a la cassa, per comprar canevi novi, etc. Et il Conseio mormorò assai, tra i qual io Marin Sanudo, di comen- zar a vender le cosse di l' Arsenal per vada- gnar etc.

Et sier Alvise di Prioli procurator andò in ren- ga, et parlò in favor di la parte, la qual andò. Ave:

9 non sincere, 81 di no, 111 di si. Fo dubio se la era presa; fo publicà le balote, et si vederà le leze.

Fu posto, per i Consieri, Cai di XL et Savii, che li debitori di la tansa ultima persa habino termine a pagar con don per tutto 15 del presente mexe, con don di 10 per cento, et passato sia tirà le ma- rele *ut in parte*. Ave: 8 di no, 185 di si.

Fu posto, per li Savii del Conseio et terra fer- ma, di far per danari Locotenente in Cipri, Camer- lengo in Cipri, Capitanio a Famagosta, Camerlengo et castelan a Veia per scurtinio et 4 man di eletion, la restitution di danari del do, tre per cento del 1528, il resto di la masena, et la parte non se in- tendi presa se la non sarà posta in Gran Conseio. Et fo remor, il fondo non è bon, et non fo mandata.

Fu posto, per li Savii del Conseio et terra fer- ma, expedir sier Marco Antonio Venier el dottor, va orator al serenissimo re di Anglia, et darli il solito, zoè per spexe di 4 mesi a ducati 150 al mexe d'oro in oro, il secretario, cavalli, forzieri, corieri etc. *ut in parte*. 192, 10.

Fu posto, per li Savii del Conseio et terra fer- ma una parte, che a li Camerlenghi di comun non si possi dar fuora alcun danaro excepto li ordenari, se non per balotation del Collegio. Et sier Dome- nego Capello et sier Lunardo Emo andono a la Si- gnoria, dicendo si vuol tuor li danari deputati a lo armar, et non fu mandata.

Et fo licentiatto il Pregadi, et restò Conseio di X con la Zonta, intervenendo certe pratiche si ha . . .

.

A dì 4. La matina, fo lettere di Roma, di . . . in risposta del publicar la liga, il Papa vuol si in- dusii a Domenega a dì 8, *unde* hessendo stà scritto per tutte le terre a preparar di publicarla doman a dì 5, come farà il re Christianissimo, di novo fo re- vocà l' ordine et posto a Domenica che sarà a dì 8; et cussi tutta la terra la intese tal perlongation.

Vene in Collegio domino Hironimo Savorgnan primario di la Patria, qual vien di Udene et ha par- lato col Locotenente zerca far provision in la Patria, dicendo che 4 lochi era necessario a tenir custoditi, il primo Civald di Friul

.

In questa notte si levò sier Alvise d'Armer va proveditor da mar con la sua galla et homeni . . . va in Dalmatia a interzarsi. *Item*, si partì hozi sier Lodovico Michiel, va proveditor a Civald di Friul.

Di Palermo, fo lettere di sier Pelegrin Ve-